



1

**POBREZIA DESAGERTZEA**



## HELBURUA: Pobrezia mota guztiak desagerraraztea

1. GJH honetan kolektibo jakin batzuen kalteberatasunari aurre egin eta gizarte-babesa eta oinarrizko beharrak asetzeko baliabideak eskaintzea eta bermatzea da helburu nagusia, baita herritarren eta herriaren ongizatea eta bizi-kalitatea hobetzea ere.

Horretarako ondorengo arloak lantzen dira...

1. Herritarren egoera sozio-ekonomikoa
2. Egoera zaurgarrian dauden pertsonen laguntzeko eskaintzen diren baliabide, programa eta zerbitzuak

## ZEIN PUNTUTAN DAGO ZARAUTZ?

Gizartearen ongizatea eta pertsonen duintasuna bermatzeko ezinbestekoa da behar ekonomikoan aurkitzen diren, pertsona kalteberen eta bazterkeria arrisku egoeran egon daitezkeen pertsona eta familien egoera kontutan hartzea eta hauei aurre egiteko neurriak ezartzea.

### Herritarren egoera sozio-ekonomikoa


Zarautzko biztanleriaren baliabide ekonomikoak, batez besteko errenta pertsonala kontuan hartuz, eskualdeko, Gipuzkoako, zein EAEko batez bestekoak baina altuagoak dira.

BATEZ BESTEKO ERRENTA PERTSONALA (€)


	2015	2016	2017	2018	2019	2015-2019
<b>EAE</b>	19.968 €	20.295 €	21.083 €	21.458 €	22.601 €	13%
<b>Gipuzkoa</b>	20.669 €	21.256 €	22.086 €	22.605 €	23.756 €	15%
<b>Urola Kosta</b>	20.827 €	21.267 €	22.234 €	23.004 €	24.613 €	18%
<b>Zarautz</b>	21.890 €	22.399 €	23.366 €	24.081 €	25.254 €	15%

Iturria: Eustat

Gizarte bazterkeria egoeran egon daitezkeen pertsona edo familien egoera neurtzeko erabiltzen diren adierazleak kontuan hartuz, Zarautzko ratioak EAEko baina nabarmenki baxuagoak dira baita ere:



Iturria: Udalmap



Iturria: Zarauzko Udala

**Diru-sarrerak Bermatzeko Errenta (DBE)** baliabide nahikorik ez duten pertsona eta familien oinarrizko beharrei erantzuteko laguntza da. Aipatzekoa da Zarautzen DBE jasotzen duten emakumeen proportzioa gizonetzkoena baina altuagoa dela, %13,1 eta %5,9 izan baita 2021ean hurrenez hurren.

**Gizarte Larrialdietarako Laguntzen (GLL) onuradunei** dagokionez onuradunen gehiengoa (%65a) emakumezkoak izan zen 2020 urtean. Azken urtetan udalak baldintzak betetzen dituzten eskaera guztiei erantzun die.

## Udalak eskaintzen dituen zerbitzu eta baliabideak

Zarauzko Udalak behar ekonomikoan aurkitzen diren, pertsona kalteberen eta bazterkeria arrisku egoeran egon daitezkeen pertsona eta familiei zuzendutako zerbitzu eta baliabide desberdinak eskaintzen ditu, ondorengo helburuarekin.

Eskubide eta baliabideei buruzko informazioa eman, balorazioa egin eta orientatzea eta egoerari aurre egiteko prestazio eta zerbitzuak abian jartzea.

Honetarako udalak eskaintzen dituen **oinarrizko Gizarte zerbitzuetako baliabideak**: Oinarrizko Gizarte zerbitzuetako informazio, orientazio eta arreta zerbitzua, prestazio ekonomikoak, eskuhartze soziohezitzailea, tutoretzapeko etxebizitzak, hotzaren babeserako protokoloa eta harrera zerbitzua, Europako fondoetatik bideratutako pertsona ahulenei zuzendutako elikagaien banaketa, Elikagaien bankua eta Nagusilaneekin elkarlanean.

## Beste administrazio batzuekin elkarlanean eskaintako zerbitzu eta programak

**Bazterkeria egoerari erantzuteko** zerbitzu eta programak ere ematen dira, Gipuzkoako Foru Aldundiarekin lankidetzan: Gizarteratzeko eguneko zentroak (gaur egun eskualdean ez dago eta erabiltzaileak Donostia-ko zentroetara joan behar izaten dute), bazterkeria eta marjinazio-egoeran dauden pertsonentzako egoitza-zentroak.

Bazterkeria egoeran duten pertsona etxegabeei zuzendutako zerbitzuei dagokionez, eskualde mailan zenbait hutsune daude:

- Gaueko harrera zerbitzua eta Oinarrizko premiei erantzuteko eguneko arreta Zerbitzua (zeinaren eskumena eskualdeari dagokion).
- Gizarteratze premiei erantzuteko eguneko zerbitzua (zeinaren eskumena Gipuzkoako Foru Aldundiari dagokion).

# EKIMEN ESANGURATSUAK

1.

## Tarifa soziala



**Tarifa sozialaren** araudi berria: 2021 urtean "Udal Tasa eta Prezio Publikoen Salbuespen eta Hobariei buruzko Erregelamendu berria" onartu da zeina kultura, hezkuntza, aisia, aniztasun funtzionala eta kiroletan aplikatu den eta familia ugariari aplikatzen zaizkion hobariak eta zenbait salbuespen mantentzen dituen.

3.

## Prestazio ekonomikoak



**Prestazio ekonomikoak:** Gizarte larrialdi eta banakako laguntzak.

2.

## Zarauzko Baratze solidarioa



**Zarauzko Baratze solidarioa:** Udalak utzitako lur eremu batean, herriko bolondres eta Caritas-ekin elkarlanean, baratzean ekoiztutako barazkiak udalerrian banatzen dira elikagai beharra duten pertsonen artean. Honetaz gain, lanik gabe dauden pertsoneri baratzea lantzeko ikastaroak eman zaizkie baita ere, elikagaiak lortzeko tresna gisa.

4.

## Tutoretzapeko etxebizitza



Bazterkeria arrisku egoeran dauden pertsoneri zuzendutako **tutoretzapeko etxebizitza**, 2022an beste bat gehitzea aurreikusten delarik.